

UGOVOR O USLUGAMA SERVISIRANJA LIFTOVA BLOK C ZA POTREBE STOMATOLOŠKOG FAKULTETA SA KLINIKAMA U SARAJEVU

Zaključen dana 11. 02. 2020 godine u Sarajevu između ugovornih strana:

1. **Stomatološki fakultet sa klinikama Sarajevo**, Bolnička br. 4a, kojeg zastupa Dekan Prof.dr sci Muhamed Ajanović, (u daljem tekstu Naručilac)

Identifikacioni broj: 4200542470007
Poreski broj: 01073987
Transakcijski m: 1411965320008475
Budžetska organizacija: 2104024

2. „DVG-ALM COMPANY“ d.o.o. Sarajevo, ul. Nedima Filipovića bb, kojeg zastupa direktor Nihad Fetahović, (u daljem tekstu Izvođač)

Identifikacioni broj: 4200554480008
Poreski broj: 01638477
Transakcijski m: 1011010000124681

I PREDMET UGOVORA

Član 1.

Predmet ovog ugovora su poslovi na redovnom održavanju, mjesečnom servisiranju i popravci lifta -blok C za potrebe Stomatološkog fakulteta sa klinikama u Sarajevu. Predmetni poslovi su obaveza po važećem Pravilniku o tehničkim normativima za liftove na električni pogon za prevoz lica i tereta („Službeni list SFRJ“, br. 16/86 od 28.03.1986.god.).

II OBAVEZE IZVOĐAČA

Član 2.

Izvođač radova je obavezan da radove na redovnom održavanju, mjesečnom servisiranju i popravci lifta -blok C na Stomatološkom fakultetu sa klinikama u Sarajevu, kao i pripremi lifta za povremeni tehnički pregled koji se vrši najmanje jednom godišnje obavi kvalitetno i stručno sa ugradnjom originalnih i atestiranih dojelova materijal, te da prije početka radova preduzme sve potrebne radnje na obezbjeđenju i zaštiti izvršioca i korisnika lifta i odgovoran je za redovnu provjeru pravilnosti rada svih sigurnosnih iredaja u skladu sa tehničkim normativima iz člana 1. ovog Ugovora.

Član 3.

Ako Izvođač kod pregleda lifta utvrdi nepravilnosti u radu koje mogu dovesti do opasnog pogonskog stanja obavezan je lift isključiti iz upotrebe, isto evidentirati u knjigu održavanja lifta, te o razlozima isključenja obavijestiti ovlašteno lice i odgovarajuću službu Naručioca.

Član 4.

Izvođač je dužan nakon prve prijave kvara na liftu u što kraćem roku, a najduže u roku od 24 sata utvrditi uzrok kvara i isti otkloniti, a u slučaju da se radi o kvaru čije otklanjanje nije moguće odmah izvršiti, o istom obavijestiti ovlaštenog predstavnika Naručioca.

Član 5.

U slučaju da zastoj lifta ugrožava sigurnost i bezbjednost korisnika, Izvođač je obavezan da hitno po pozivu ne čekajući nalog Naručioca i lift dovede u takvo stanje koje ne ugrožava sigurnost korisnika.

U kategoriju hitnih intervencija spadaju slučajevi nezabranjivanja prilaznih i kabinskih vrata, nekontrolosano kretanje kabine, jači potresi i udari kabine, zaglavljivanje kabine između sptarova i sl.

Član 6.

Redovni mjesečni servis obavljat će se prema Opisu poslova za servisiranje lifta, a prema važećem Pravilniku i odredbama navedenim u članu 1. ovog Ugovora.

Član 7.

Izvođač radova je obavezan da obezbjedi dežurstvo za hitne intervencije od 8,00 do 22,00 časa svim radnim danima i neradnim danima.

Član 8.

Izvođač je obavezan da nakon izvršenog periodičnog tehničkog pregleda lifta od strane ovlaštene institucije po jedan primjerak Izvještaja o periodičnom tehničkom pregledu postrojenja lifta dostavi ovlaštenom licu Naručioca.

III OBAVEZE NARUČIOCA

Član 9.

Naručilac je obavezan da Izvođaču radova omogući nesmetan pristup svim dijelovima liftovskeg postrojenja.

Član 10.

Za sve radove iz ovog Ugovora Naručilac će putem ovlaštenog lica Izvođaču radova izdati pismeni ili usmeni nalog.

Za radove većeg obima Naručilac će Izvođaču davati isključivo pismene naloge.

Usluge mjesečnog servisiranja liftova Izvođač će vršiti po nalogu ovlaštenih lica Naručioaca.

Član 11.

Naloge za izvršene poslove ovjeravat će ovlašteni predstavnik Izvođača i ovlašteno lice Naručioaca.

IV ODGOVORNOST IZVOĐAČA

Član 12.

Izvođač je odgovoran ako:

- U slučajevima zastoja lifta koji predstavljaju opasnost za sigurnost korisnika hitno ne interveniše na poziv i lift ne isključi iz upotrebe do popravke istog;
- U toku izvođenja radova na otklanjanju kvara, odnosno zastoja lifta napusti liftovsko postrojenje prije završetka popravke, a nije preduzeo radnje da se onemogući korištenje neispravnog lifta;
- Ne izvrši servisiranje lifta po nalogu Naručioaca;
- Ne utvrdi uzrok kvara lifta i ne izvrši popravku lifta u skladu sa članom 5. ovog Ugovora
- Nastavu štetne posljedice usljed korištenja lifta kojeg je zbog nedostatka sigurnosnih uređaja i drugih dijelova liftovskog postrojenja Izvođač bio dužan isključiti iz upotrebe.

V CIJENA

Član 13.

Cijena mjesečnog održavanja servisiranja lifta iznosi 80,00 KM (osamdeset i 00/100 KM) bez PDV-a.

Nepredviđeni radovi u toku godine, a koji se odnose na sanaciju lifta i zamjenu dijelova iznose 1.200,00 KM bez PDV-a.

Član 14.

U slučajevima da su neophodne usluge većeg obima (rekonstrukcija, sanacija i remont lifta) Izvođač je u obavezi na zahtjev Naručioaca izdati predračun usluga po kojem će se izjasniti Naručioc istih.

VI PLAĆANJE

Član 15.

Za sve izvršene usluge u okviru ovog Ugovora izvođač usluga će ispostaviti odgovarajuću poreznu fakturu za svaki izvršeni posao pojedinačno, koju će Naručilac platiti u roku od 30 dana od dana zaprimanja fakture.

Oblik i sadržaj pojedinačnih poreznih faktura mora biti u skladu sa Pravilnikom o primjeni Zakona o PDV-u, član 106. i 107.

Radni nalog mora biti potpisan od strane ovlaštenog predstavnika Naručioca.

Član 16.

Sve poreske obaveze moraju biti uključene i posebno iskazane u sklapou ispostavljenog računa

VII GARANCIJA I REKLAMACIJA

Član 17.

Izvođač garantuje da će sve usluge utvrđene ovim Ugovorom obavljati stručno, savjesno i kvalitetno sa odgovarajućim fabričkim rezervnim dijelovima u najkraćem mogućem roku.

Član 18.

Za eventualn ereklamacijena kvalitet obavljenih usluga ili odnos radnika, Naručilac će se izjasniti pismeno prilikom ovjere izvršenih usluga.

Izvođač se obavezuje da će sve reklamacije odmah razmotriti i riješiti, te o učinjenom obavijetiti Naručioca.

Garancija za sve ugrađene dijelove se utvrđuje prema garanciji proizvođača.

VIII OSTALE ODREDBE

Član 19.

Ugovor se zaključuje na period od 1 godine dana od dana obostranog zaključivanja. Ugovorne strane mogu jednostrano raskinuti Ugovor uz otkazni rok od 30 dana.

Član 20.

Ponudač nema pravo zapošljavati, u svrhu izvršenja ugovora o javnoj nabavci fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala komisija za nabavke, najmanje 6 mjeseci po zaključenju ugovora, odnosno od početka realizacije ugovora, a u skladu sa Zakonom o javnim nabavkama Bosne i Hercegovine ("Sl. glasnik BiH", broj 39/14), član 72. Stav 6).

Član 21.

Za sve ostale slučajeve i eventualne situacije koje nisu regulisane ovim Ugovorom, primjenjivati će se Zakon o obligacionom odnosima.

Član 22.

Izmjene i dopune ovog Ugovora više se sa anexom ugovora, a prilozi uz Ugovor mogu se mijenjati uz saglasnost obje ugovorne strane.

Član 23.


Svi eventualni sporovi rješavat će se prvenstveno međusobno dogovorom, a u slučaju da to nije moguće isti će se rješavati na nadležnom sudu u Sarajevu.

Član 24.

Ovaj Ugovor je sačinje u 4 (četiri) istovjetna primjerka, od kojih svaka ugovorna strana zadržava po 2 (dva) primjerka.

IZVOĐAČ
DVG-ALM COMPANY d.o.o.


Nihad Fetahović

 DVG-ALM COMPANY d.o.o.
društvo za inženjering,
montažu i servisiranje liftova
SARAJEVO 01

Broj: 333/20
Datum: 12.05.2020



Broj: 02-2-1-48-10-18/20
Datum: 04.05.2020.